

# Aktiviti Belajar Bahasa Ibunda di Rumah 2

Ibu bapa yang dihormati

Anda boleh menyokong pembelajaran dan pembangunan bahasa Ibunda anak anda di rumah dengan aktiviti-aktiviti saranan yang berikut. Aktiviti-aktiviti ini dapat melibatkan anak anda melalui bermain dan meneroka. Selain memupuk interaksi yang berkualiti dengan anak anda, aktiviti-aktiviti ini juga dapat membantu ahli keluarga mengeratkan hubungan.

**Apakah yang boleh anda lakukan bersama anak anda?**

## Diri Saya

Objektif pelajaran ini membantu anak anda berbual tentang diri mereka sendiri. Berikan kertas-kertas warna yang digunting kepada bentuk-bentuk berbeza. Ajak anak anda menampalkan kertas warna untuk menjadikan diri mereka. Berbual dengan anak anda tentang kebolehan diri mereka.



## Mari Campak!

Objektif permainan 'Mari Campak' membantu anak anda membina kemahiran fonik dengan cara yang seronok. Ibu bapa boleh sediakan botol-botol plastik dan juga kertas suratkhbar untuk dijadikan bola. Gunting kertas A4 kepada 6 bahagian dan tuliskan huruf-huruf di kertas kecil itu. Lekatkan kertas-kertas tersebut di botol plastik. Selepas itu, campakkan bola kertas kepada botol plastik tersebut dan sebutkan bunyi huruf tersebut. Mari cuba!



## Mari Nyanyi!

Nyanyikan lagu 'Di Mana Kawan Saya?' bersama-sama anak anda dan lakukan aksi yang bersesuaian. Ajak anak anda berbual tentang aktiviti yang mereka suka lakukan bersama-sama kawan.

### Di Mana Kawan Saya?

(Nyanyian mengikut irama Are You Sleeping?)

Kawan saya, kawan saya

Di mana? Di mana?

Ini kawan saya, ini kawan saya

Di sini, di sini

Kawan awak, kawan awak

Di mana? Di mana?

Itu kawan awak, itu kawan awak

Di sana, di sana

## Aktiviti Tekstur

Objektif pelajaran ini membantu anak anda berbual tentang kosa kata yang berkaitan dengan deria sentuhan. Ajak anak anda untuk mencari barang yang mempunyai tekstur berbeza. Gunakan kosa kata seperti kasar, lembut, licin dan keras. Ibu bapa juga boleh mengajak anak anda untuk melukis barang yang berbeza tekstur di kertas lukisan.

**Berseronoklah bersama anak anda!**